

- Sier Marco Loredan, fo Avogador di comun, qu. sier Domenego.
 Sier Lorenzo Venier dottor, Avogador, qu. sier Marin procurator.
 Sier Vettor Capello, fo synico a Terra ferma, qu. sier Andrea.
 Sier Alvise Bon, fo di Pregadi, qu. sier Otavian.
 Sier Alvise di Prioli, è provedador al Sal, qu. sier Francesco.
 Sier Antonio Bembo, fo Cao dil Consejo di X, qu. sier Hironimo.
 † Sier Francesco da cha' da Pexaro, fo savio di Terra ferma, qu. sier Marco.
 Sier Justinian Morexini, fo savio di Terra ferma, qu. sier Marco.

Un savio ai Ordeni, in luogo di sier Jacomo Simitecolo è andà in Studio a Padoa, e niun passoe.

- Sier Marco Manolesso, fo XL zivil, qu. sier Marco.
 Sier Tomà Malipiero, fo vice patron di nave.
 Sier Zuan Francesco Bembo, di sier Faustin qu. sier Marco.
 Sier Gabriel Barbo, fo podestà a Castelfranco, qu. sier Pantalon.
 98* Sier Marco Antonio Corner qu. sier Zuane da San Salvador.
 Sier Michiel Capello, fo a la Zecha di l'Arzento, qu. sier Jacomo.
 Sier Vincenzo Zorzi, fo Auditor nuovo, qu. sier Antonio.
 Sier Jacomo Dolfin, fo V di la Paxe, qu. sier Alvixe.
 Sier Fantin Zorzi, fo savio ai Ordeni, di sier Nicolò, da San Moisè.
 Sier Francesco Malipiero, fo castelan a Padoa, qu. sier Andrea.
 Sier Nicolò da Canal, fo Extraordinario, qu. sier Filippo.
 Sier Polo Corner, fo a la taola di l'Intrada, di sier Marin.
 Sier Bortolo Barbarigo, fo XL di sier Alvise, qu. sier Daniel.
 Sier Antonio Mocenigo di sier Alvise el cavalier.
 Sier Zuan Donado, fo a la Doana di mar, qu. sier Luca.
 Sier Piero Orio, fo XL Zivil, di sier Bernardin el cavalier.
 Sier Ferigo Marzello, qu. sier Piero, qu. sier Antonio da San Pantalon.

- Sier Francesco Cocho, fo podestà a Citadela, qu. sier Antonio.
 Sier Andrea Loredan, fo savio ai Ordeni, qu. sier Bernardin.
 Sier Marco Barbarigo, fo a la Ternaria vechia, di sier Bernardin, qu. Serenissimo.

Dil mexe di Zener 1517 (1518).

100⁹

A dè primo. La matina la Signoria, vicedoxe sier Cristofal Moro el consier, con li 4 oratori, Papa, Franza, Hongaria et Ferara, et 4 procuratori, sier Zacaria Gabriel, sier Domenego Trivixan el cavalier, sier Andrea Gritti et sier Francesco Foscarei el cavalier, et altri assa' patricii, sichè fu ben acompagnata; et erano di quelli molti che mai vano, ni andono con la Signoria, che per la parte di non pagar tre ducati sono andati ozi, tra li qual sier Beneto Longo, sier Nicolò Coppo e sier Michiel Venier, et altri. Et comite la messa, el Colegio si reduce per esser venuto letere di Roma, Napoli, Milan, Franza, Spagna, et Ingallera et il Doxe *etiam* si fe' portar in Colegio. Et perchè erano letere di qualche importantia di Roma drizate a li Cai di X, fo mandà tutti fuora, et restono li Cai, qual sono sier Zuan Venier, sier Vettor Foscarini et sier Alvixe Gradenigo, stati altre fiate questo anno.

Di Roma, di 27, di sier Nicolò Minio orator nostro. Come era morto Troylo Savello, fo condutier nostro in questa guera, et che Piero Navaro havia li fanti 400 da condurli in Barbaria, a Terazina, et diceva aver 14 nave a porto San Stefano vicino a Porto Venere. Et avisa il receiver di le letere di la Signoria nostra con l'avis di 5 Novembrio, da Constantinopoli. Et perchè in Roma era avisi, per uno Bernardin Testa et uno Colti, vien di Soria, smontato in Puja, dice il Tureho aver da far assai, et il Soffi venir adosso molto groszo, per il che tutta Roma era respirata di le cosse turchesche: qual, per i avisi mandati che è più freschi, è tutto il contrario. Et subito esso Orator andò dal Papa, lezendoli li sumarii. Soa Santità disse aspetava risposta di potentati, ai quali havea mandato li capitoli; et altri colloqui feno insieme come più difuso dirò di soto. Et par che, a Manfredonia, fusse capitato 7 fuste di turchi, *adeo* quelli de li ebbero gran paura. *Tamen* le non feno alcun danno. Volseno *solum* vituarie per li soi danari. Et questo aviso si ha per tre frati venuti, i qual era stà tragetati di

(1) Le carte 99 e 99* sono bianche.